



Broj predmeta: 13-003322/20
Broj akta: 01.1-1413EK-0026/21
Datum, 28.1.2021.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (2) tačka a) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni inicijalnih/konačnih ponuda broj:13-003322/20 od 14.1.2021. godine, Prijedloga Komisije za javne nabavke broj: 13-003322/20 od 14.1.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se postupak javne nabavke za lotove 10, 17, 18 i 29 iz provedenog pregovaračkog postupka nabavke dodatnih radova na izgradnji i rekonstrukciji puteva, ulica, trotoara i autobuskih stajališta na području Brčko distrikta BiH na osnovu sklopljenih ugovora po otvorenom postupku 1/2020 za potrebe Odjela za javne poslove Vlade Brčko distrikta BiH, koji je pokrenut na osnovu Posebne odluke o pokretanju postupka javne nabavke broj: 13 – 003322/20 od 30.11.2020. godine, predmjera radova u vezi sa Tenderskom dokumentacijom broj: 13-003322/20, iz razloga što nije dostavljena nijedna ponuda u određenom krajnjem roku, što prema čl. 69. stav (2) tačka a) Zakona o javnim nabavkama predstavlja osnov za poništenje postupka nabavke.

Član 2

Odluka o poništenju postupka izbora najpovoljnijeg ponuđača stupa na snagu danom donošenja.

Obrazloženje

Komisija za nabavke je izvršila pregled i ocjenu inicijalnih/konačnih ponude i utvrdila da su ponuđači kvalifikovani. Upućen je poziv ponuđačima da dostave inicijalnu ponude i izvrše pregovaranje. Ponude su dostavili ponuđači „Pekić Gradnja“ d.o.o. Brčko, „Belegem“ d.o.o. Gradačac, „Arapovac Putevi“, d.o.o. Čelić, „Eko Prom“ d.o.o. Brčko i „Galax-Niskogradnja“ d.d. Brčko. Sa predstavnicima ponuđača je usaglašeno da su predmjeri radova bili jasni i razumljivi i da nije bilo nejasnoća prilikom pripreme ponuda, osim u slučaju ponde ponuđača „Galax- Niskogradnja“ d.d. Brčko za Lot 12. Sa predstavnikom ponuđača „Galax Niskogradnja“ d.d. Brčko je razmotrena nedoumica oko stavke 8 u sklopu lota 12 te je zaključeno da se radilo o činjenici da je navedena količina tražena greškom. Nakon toga je zakazano dostavljanje konačne ponude. Ponuđači su dostavili ponudu u skladu sa zahtjevima iz tehničke specifikacije – predmjera radova. Komisija je ustanovila da su sve ponude potpune, sve stavke predmjera radova su ponuđene osim u slučaju ponude ponuđača „Galax Niskogradnja“ za Lot 12, gdje u konačnoj ponudi nije ponuđena stavka 8. Izvršena je analiza dostavljenih konačnih ponuda, te je utvrđeno da su u skladu sa očekivanim cijenama radova i cijenama koje su bile aktuelne i u ugovoru iz otvorenog postupka, te da su ponude kao takve prihvatljive. Odjel za javne poslove je dostavilo dopis u kome je navedeno da je došlo do greške u stavci 8 iz lota 12, te

da ova stavka nije planirana za izvođenje i da je ponuđač ispravno postupio što nije ponudio navedenu stavku. Na osnovu svega zaključeno je da se i ponuda ponuđača „Galax Niskogradnja“ d.o. Brčko za Lot 12 može prihvatiti. Izvršena je računska kontrola i ustanovljeno je da nema računskih greški u konačnim ponudama. Nisu postojali elementi za sumnju u neprirodno nisku cijenu ponude. Dostavljene ponude su bile u okviru procijenjene vrijednosti nabavke za sve lotove. Komisija je utvrdila da za lotove 10, 17, 18 i 29 nije dostavljena nijedna ponuda i za te lotove je neophodno poništiti postupak nabavke. Komisija za nabavke je dostavila preporuku o poništenju postupka nabavke za navedene lotove.

.POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Gradonačelniku,
3. Odjelu za javne poslove,
4. Ponuđačima,
5. «Službenom glasniku Brčko distrikta BiH»,
6. Arhivi.

